



Sjednica Nezavisnog odbora Parlamenta BiH

Zubac ostaje direktor SIPA-e

Za razmatranje suspenzije nije bilo dovoljno glasova za

Goran Zubac, direktor Državne agencije za istrage i zaštitu (SIPA), ostaje na čelu ove agencije, odlučeno je jučer na sjednici Nezavisnog odbora Parlamentarne skupštine BiH.

Iako je sjednica Odbora, na kojoj je kratko saslušan i Zubac, trajala skoro tri sata, za razmatranje rješenja o suspenziji direktora SIPA-e nije bio dovoljan broj glasova za.

Žiko Krunić, predsjednik Nezavisnog odbora PS-BiH, rekao je novinarima da je za razmatranje rješenja



Zubac: Kratko saslušan

Na sjednicu su bili pozvani i ministri unutrašnjih poslova FBiH i KS Predrag Kurteš (SDP) i Nermin Pećanac (SDU) kako bi se očitovali o demonstracijama od 7. februara ove godine. No, nakon što nije usvojen ni dnevni red, sjednica Odbora je prekinuta.

o suspenziji bilo šest od potrebnih sedam glasova.

- Imali smo šest glasova za i dva protiv, tako da to (suspenziju, op. a.) nismo ni uvrstili u dnevni red - rekao je Krunić.

On je ustvrdio da je u ovakvoj situaciji sve jasno, Zubac ostaje na čelu SIPA-e, a Nezavisni odbor PSBiH nema nikakve primjedbe na njegov rad.

- Zubac je direktor SIPA-e u punom ovlaštenju što se nas tiče, a rad SIPA-e nije doveden u pitanje - rekao je Krunić.

Pojasnio je da su se članovi Odbora jučer usaglasili da se „ne bave pitanjem eventualnog oduzimanja pristupa tajnim podacima“, što je od Odbora tražio zamjenik ministra sigurnosti Mladen Čavar (SDP).

- Naša nadležnost nije ni to što se vodi postupak protiv Zupca kod pravosudnih organa i mi samo poštujemo Zakon o nezavisnim tijelima i Pravilnik o radu - istakao je Krunić.

M. Aš.